

Թիւն ձեր մեծաւ յօժարութեամբ թողումք ձեզ զյանձնորութիւն ձեր առ մեզ. բայց որովհետեւ ամենայն յանցանք քաւեալ լինին կատարեալ զղջմամբ, և հանգստութիւն հասարակաց միաբանութեան մերոց յարգելու զվերադարձն ձեր ի Սուրբ աթոռս Էջմիածին մեք այսու կոնդակաւ մերով ծանուցանելով ձեզ, թէ անհրնար է ձեզ վերադառնալ այսր ի Սուրբ աթոռս մինչեւ ցմահ ձեր կամ զոնէ ցմերն¹⁾, զի գրեալ է զփորձեալն վերստին փորձելն լիմտրութիւն է. հրամայեմք ձեզ յանձն առնուլ զպաշտօն յաջորդութեան վիճակին տեղւոյդ, և զՊետրոս վարդապետն ունիլ առ ձեզ ի կոչման դործակալի ձերոյ. թէ հաճեսձիք դուք ընդ այն թէ ոչ. առաքեսձիք զնա այսր: Բայց եթէ հակառակեսձիք դուք մերումս, վասն ձեր բարերար կամաց, զայն եւս ծանուցանեմք ձեզ, զի դուք ունիք մնալ այգր ի վանս ո՛չ իբրեւ միաբան վանիցդ, որոյ վանահայրն կամ յաջորդն ունիցի զձեզ ամենայն յարգանօք, որ վայելն է ծերութեան ձերում և պատուոյդ. այլ մի կարասձիք դիմել այսր ի Սուրբ աթոռս²⁾ կամ յալլուր առանց յատկապէս հրամանի մերոյ. ի հաճիլն ձեր ընդունիլ զպաշտօն յաջորդի գրեմձիք մեզ, զի մեք կարասցուք օր յառաջ գրել կօնդակ ծանուցման և առ ժողովրդականսն տեղւոյդ, զի նոքա ունիցին առ ձեզ զպարտու պատշաճն հնազանդութիւն և յարգանս:

№ 79. ի 2 մարտ. 1835 ամի ի սուրբ Էջմիածին:

ԿԱԹՈՒԼԻԿՈՍ ԱՄԵՆԱՅՆ ՀԱՅՈՑ

ՅՕՏԱՆՆԷՍ

¹⁾Այս է 55 տարւայ ծառայողի վարձն. վաճ մեզ, որ 45 տարի ենք ծառայել ց1895: Մ. Ե. Ս

²⁾Փառք Աստուծոյ, այսպիսի բռնութիւնք և անկարգութիւնք վերացել և հեռացել են հոգեւորականութեան միջից: Աստուծով կը կարգաք շէջմիածին և շրջակայք իւր՝ զըթիս մէջ պատմութիւնն հինգ կաթողիկոսաց՝ ըսկսեալ ի 1850—ց1895: